

疆

邦

華

書



國朝

文獻

通考

卷一百一十五

禮部

殘雪籠晴乍返寒北風次浪過前灘遠山雲氣尙漫漫
睡起陽烏窺破牖坐憐香霧藹雕盤一尊聊佐旅中
歡

又代人作

玉骨冰肌輒更香一枝丹棘映青裳相逢歸去未須忙
曲裏春山情不淺尊前秋水意何長□醺顏色粉生
光

又和張文伯長至

寒透珠簾怯曉霜灰飛緹室驗回陽坐看紅日上修廊
泉瀉龍頭深泛酒煙凝象口暖吹香及時歌舞意何
長

又春日

水外山光淡欲無
堤邊草色翠如鋪
綠楊風軟鳥相呼
牛蒨葉齊羅翠扇
鹿黎花小隘眞珠
一聲何處叫提

壺

東風第一枝

梅

玉骨冰肌絳趺檀口玲瓏亞竹當戶嫣然照雪精神消
得東君眷與羣芳退舍顧凡下非伊朋侶卻自有蒼蘊
酴醾次第效顰追步寓心賞還須吟醉赴目成便依
歌舞情鍾束素無華意在含情不語紛紛桃李亦何用
輕猜輕妒口一枝欲寄相思伴取箇人書去
西江月和張文伯謝曾子修送酒

黃菊正懷彭澤白衣俄致江州登高餘醉快扶頭此貺
又兼情厚痛飲還須酒對清吟況值詩流輕投無惜
萬金酬木李舊先瓊玖

又和文伯臘日席上

北陸藏冰欲竟東風解凍非遙一時芳草巧相撩入眼
綠交紅小柳色輕搖弱線梅英紛綴枯梢觥籌醉裏
賴君饒歸去斜陽尙早

又和董令升口宴分茶

磨急鋸霏瓊屑湯鳴車轉羊腸一杯聊解水仙漿七日
狂醒頓爽指點紅裙勸坐招呼巖桂分香看花不覺
酒浮觴醉倒寧辭鼠量

又

雪後千林尙凍城邊一徑微通柳梢搖曳轉東風來看
梅花應夢酒面初潮蟻綠歌脣半啟櫻紅冰肌綽約
月朦朧彷彿暗香浮動

又

春色荒荒別浦春潮灩灩長堤綠楊風喘客帆遲腸斷
江南雙鯉短夢當年楚雨扁舟後夜秦溪一聲啼鳥
怨春歸人□醺醺花底

又

一霎輕雲過雨半篙新綠橫舟梅花池館暗香浮酒入
朱脣紅透有恨尤憐別恨多愁不慣春愁舞餘何惜

更遲留腸斷斷腸羹後

又

一別清風北牖幾番明月西樓斷腸千里致書郵借問
近來安否歸路淮山過雨歸舟江水澄秋佳人應已
數城頭準擬到家時候
歸朝歡對雪追和東坡

透雪敲窗風撼澤坐見廣庭飛縞白長安道上正騎驢
蔡州城裏誰堅壁表表風塵物瑤林瓊宇三豪客對分
毫連珠唱玉競把詩牋擲草草杯盤還促席痛飲狂
歌語胸臆前村昨夜訪梅花東鄰休更誇容色清歡那
易得明朝烏轡陞南極帶隨車黃壚咫尺莫作山河隔

宴春臺追和張子野韻贈陳德甫侍兒

翠竹扶疏丹葵隱映綠窗朱戶縈迴簾捲鰕鬚清風時
自南來題與好客筵開儼新妝深出雲街歌珠累貫一
時傾坐全勝腰雷金猊裊碧玉兕浮紅令傳三杏情
寄雙梅樓頭漏促籠紗暗落花煤錦里遺音憶當年曾
賦春臺醉蓬萊歸歟無寐想餘韻徘徊

朝中措和文伯元夕

江城春霽雪初融樓觀瑞煙中向晚金蓮無數一時開
徧東風多情太守行攜紅袖袖引金鍾時出陽春絕
唱才名不減詩翁

又和張文伯寒食日雨

從來寒食半陰晴花底聽歌聲昨夜滿城風雨惜花還
繫心情海棠枝上朱脣翠袖欲鬪輕盈須藉嫣然一
笑醉吟同過清明

又和文伯清明日開霽

朝陽淡淡宿雲輕風入管絃聲十里碧蕪幽步一枝丹
杏柔情佳人何處酒紅沁眼秋水盈盈詩曲羨君三
絕湖山增我雙明

又和文伯芍藥

老窮無賴事成叢短髮自髭鬆坐想帝城當日萬花繡
出天宮幾時臨賦深浮綠蟻緩唱黃鍾莫獲追陪勝
賞虛煩惱亂衰翁

又和張文伯海棠

暖風連日透香肌
春到柳邊枝
曾見酒紅潮
賴玉人初出羅幃
東坡何處朱脣翠袖
空想芳姿爭似
濡須太守看花仍賦佳詞

又董令升待制生日

天庭丹熟在何時
鉛汞適投機
四海方思霖雨未容駕
鶴高飛
當年今日謫仙初降庭
露醅醅願對良辰好
景稱觴爲醉芳菲

又魏倅定甫生日

州閭庠序少追隨
俯仰鬢成絲
仕宦孰踰君
達恩施徧及庭芝
溪頭春日歡聲和氣如見生時
好對高堂壽

母獻酬同醉金卮

又王守正仲生日

滿庭巖桂藹香風人在畫堂中
欲驗魯侯難老歡聲千里攸同
臺分金石源鍾淮水流慶無窮
好繼漢朝循吏從茲入拜三公

又和孔倅郡齋新栽竹

君心節直更心虛移植並庭除
好在紅蕖相映捲簾如見吳姝
清風明月君無我棄我不君疏
況有騷人墨客時來同醉兵廚

又

晴煙漠漠日暉暉天際遠山低檻外
碧蕪千里坐來目

送鷗飛 詩牋談麈珠盤落落玉屑霏霏更把登臨餘
興翻成白雪歌詞

玉樓春和令升正月五日會客

年來六十增三歲卻憶去年趨盛會風流人物勝斜川
灼灼有同前日事不知絃管催新水但見飄飄紫舞
袂主人情厚酒行頻醕酎莫辭今夕醉

又和李宜仲

少年心性消磨盡三斗爛腸渾是悶看書聊復強尋行
屬句不妨閒趁韻此生自斷天休問富貴時來還有
分一卮芳酒送清歌樓下玉人相去近

石州慢和董令升歲除

磔攘送寒燔烈興歲又頒堯曆青靄燒痕綠浮風皺暖
同春色地天交泰時當傾否五鬼休相厄何妨笑倚東
風一飲杯三百長憶荷堅入寇功高晉室無如安石
義概雄心輒莫等閒拋擲蓋壤聲名鼎彝勲業朋口雖
好未放終閒逸喈喈黃鳥更看壺中春日

鵲橋仙

霜風擢霽雲濤漲晚更覺我心彌壯一尊誰與醉西風
輒莫負高吟勝賞致君才術康時事業到底不容閒
放十年湖海闌樵歌何幸出陽春絕唱

又

斷虹霽雨餘霞送日簾捲西樓月上銀河風靜夜無波

天亦爲雲輶相訪 蛛絲有恨鵲橋何處回首又成惆
悵長江滾滾向東流寫不盡別離情狀

菩薩蠻

和趙見獨

香鬟倭墮蘭膏膩睡起搔頭紅玉墜秋水不勝情盈盈
橫沁人 朱闌頻徙倚笑與花爭媚眉黛索重添春醒
意未忺

又

綠楊低映深深院春風不動珠簾捲乳燕引雛飛流蘇
盡日垂 綺窗開小宴姪姁鶯聲轉一餉不聞聲羅衣
香汗輕

又

小庭過雨莓苔滑
碧波灩灩池光闊
睡起□雕闌不言
神思閒
晚來調瑟罷
笑語秋千下
高枕綠楊風
隔簾花映紅

又

晴窗睡起鑪煙直
香雲墮髻嬌無力
溪水碧涵空
拒霜深淺紅
墜鞭還駐馬
縹緲珠簾下
自是意中人
臨風休障塵

千秋歲

伯母劉氏生日

薰風散霧簾幕清
無暑萱草徑荷花塢
幽香浮几席
秀色侵庭廡
微雨過綠楊□□珠成縷
雙燕飛還語
似慶良辰遇
醺美酒烹肥豕
何妨飲且醉
共作斑衣舞人

競報蟠桃已實君知否

又癸亥重九舟次是江

斜風橫雨咫尺高城路紅蓼岸蒼葭浦滯留春色晚栖
泊郵亭暮信杳杳鵲聲近有無憑據腸斷家何處又
見重陽度多少恨從口訴黃雞斟白酒自促供搜句歸
去好人生莫被浮名誤

又彥傳教授兄生日

金風玉宇庭院新經雨香有露清無暑溪光搖几席嵐
翠橫尊俎烘笑語佳時聊復鄉人聚門外落花浦秋
到花無數紅鱸鯉青浮醕何妨文字飲更得江山助從
此去蒲輪人佐中興主

又張文伯生日

曉霜初肅秋色團芳菊榴轉紫柑猶綠昨朝吹帽會未
快登臨目須信道兵廚準擬三千斛采采香盈掬汎
汎紛浮玉紅袖捧清歌逐何妨傾坐客共獻長生祝歸
去好北門夜引金蓮燭

又追和秦少游

山前湖外初日浮雲退荷氣馥槐陰碎葵花紅障錦萱
草青垂帶誰得似黃鸝求友新成對憶昔東門曾千
古同傾蓋人已遠歌如在銀鈎雖可漫琬琰終難改
浩蕩臨風令我思淮海

又鄭帥清卿生日